



Broj: 12-14-1428-2-1-1/19

Sarajevo, 19. 8. 2019. g.

Na osnovu člana 69. stav (3) Zakona o javnim nabavkama BiH („Službeni glasnik BiH“ broj: 39/14), u postupku javne nabavke kompjuterske opreme za potrebe Ureda za reviziju institucija u Federaciji Bosne i Hercegovine, generalni revizor, donosi

ODLUKU
OTKAZIVANJU POSTUPKA JAVNE NABAVKE

I.

Otkazuje se postupak javne nabavke kompjuterske opreme za potrebe Ureda za reviziju institucija u Federaciji Bosne i Hercegovine za Lot 1, proveden putem Otvorenog postupka javne nabavke iz razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II.

Nakon što se steknu potrebni uslovi, u skladu sa odredbama Zakona o javnim nabavkama („Službeni glasnik BiH“, broj 39/14), provest će se obnovljeni otvoreni postupak javne nabavke za nabavku kompjuterske opreme za Lot 1.

III.

Ova odluka objavit će se na web stranici ugovornog organa (www.vrifbih.ba), u skladu sa članom 70. stav 6. Zakona o javnim nabavkama.

IV.

Ova odluka stupa na snagu danom donošenja.

Obrazloženje

Ured za reviziju institucija u Federaciji Bosne i Hercegovine u skladu sa Planom javnih nabavki za 2019. godinu, donio je Odluku o pokretanju postupka nabavke putem otvorenog postupka, broj: 12-14-854-1/19 od 26. 4. 2019. godine, i Odluku o izmjeni odluke o pokretanju postupka javne nabavke broj: 12-14-854-2/19 od 29. 5. 2019. godine radi nabavke kompjuterske opreme.

Procijenjena vrijednost kompjuterske opreme - Lot 1 za potrebe Ureda za reviziju institucija u Federaciji Bosne i Hercegovine iznosi 16.000,00 KM bez PDV-a.

Obavještenje o nabavci broj: 296-1-1-16-3-9/19 objavljeno je na Portalu javnih nabavki dana 31. 5. 2019.godine.

Komisija za javne nabavke, imenovana Rješenjem generalnog revizora, broj: 12-14-855-1/19 od 14. 5. 2019.godine provela je otvoreni postupak u skladu sa članom 25. Zakona o javnim nabavkama, te nakon javnog otvaranja ponuda, pregleda i ocjene ponuda, predložila da se ugovor dodijeli ponuđaču koji je dostavio jedino prihvatljivu ponudu. Prijedlog komisije je prihvaćen.

Ugovorni organ donio je Odluku o izboru najpovoljnijeg ponuđača, broj: 12-14-1428-1/19 od 17. 7. 2019. godine te o izboru najpovoljnije ponude obavijestio sve ponuđače koji su učestvovali u ovom postupku nabavke.

U skladu sa odredbama člana 72. Zakona o javnim nabavkama, nakon isteka zakonom predviđenog roka, Ugovorni organ je dana 7. 8. 2019. godine, dostavio prijedlog Ugovora o nabavci i isporuci kompjuterske opreme izabranom ponuđaču na potpis, broj: 12-14-1428-2-1/19 od 5. 8. 2019. godine..

Izabrani ponuđač nakon što je primio prijedlog ugovora, dana 8. 8. 2019. godine, e-mailom je obavijestio ugovorni organ da nemože ispoštovati rok isporuke od 30 dana (koji je u skladu sa tenderskom dokumentacijom dao u svojoj ponudi i na koncu koji je kao takav predviđen i u prijedlogu ugovora), te traži produženje roka isporuke umjesto ponuđenih 30 dana na 75 dana, u protivnom odustaje od zaključivanja ugovora jer ne može u roku od 30 dana od dana zaključivanja ugovora isporučiti kompjutersku opremu iz razloga što su nastali poremećaji na globalnom tržištu kompjuterske opreme-laptopa T480.U prilogu je dostavio dopis od dobavljača Lenovo u kojem se opravdava kašnjenje uzrokovano globalnom nestašicom određenih komponenti.

Započeti postupak javne nabavke ugovorni organ dužan je okončati na način koji je propisan Zakonom o javnim nabavkama. Naime, članom 69. stav (1) Zakona o javnim nabavkama, propisano je da se postupak javne nabavke može okončati:

- a) zaključivanjem ugovora;
- b) poništenjem postupka javne nabavke.

U stavu (2) člana 69. Zakona o javnim nabavkama navedeni su slučajevi u kojima je ugovorni organ obavezan poništiti postupak javnih nabavki.(nije dostavljena nijedna ponuda u krajnje ostavljenom roku;nijedna od primljenih ponuda nije prihvatljiva; cijene svih prihvatljivih ponuda znatno su veće od osiguranih sredstava za predmetnu nabavku).

Obzirom da se u konkretnoj situaciji postupak javne nabavke ne može okončati zaključivanjem ugovora shodno članu 69. stav (1) jer se ne mogu u ugovoru mijenjati osnovni elementi ugovora, konkretno rok isporuke u odnosu na rok isporuke koji je određen u tenderskoj dokumentaciji i u odnosu na rok isporuke koji je dat u ponudi,a kako kako to izabrani ponuđač predlaže. Osim navedenog treba imati u vidu i odredbe članu 116. stav (1) tačka j) Zakona o javnim nabavkama, prema kojim je Ugovorni organ dužan zaključiti ugovor u skladu sa odabranom ponudom i uslovima određenim u tenderskoj dokumentaciji, u protivnom čini prekršaj.

Budući da se u konkretnoj situaciji postupak javne nabavke ne može zaključiti ugovor jer je prijedlog ponuđača za produženje roka isporuke neprihvatljiv, niti se postupak može poništiti iz razloga koji su predviđeni u gore citiranom stavu.(2) člana 69. Zakona o javnim nabavkama, to su se stekli uvjeti za primjenu stava (3) člana 69. Zakona o javnim nabavkama na osnovu kojeg se donosi odluka kao u dispozitivu.

U postupku predmetne nabavke nesumnjivo je utvrđeno da postoje dokazivi razlozi izvan kontrole ugovornog organa, a koji se odnose na poremećaje na globalnom tržištu kompjuterske opreme i koji se nisu mogli predvidjeti u vrijeme pokretanja postupka javne nabavke,kao ni u vrijeme dodjele ugovora te su se stoga stekli zakonski uslovi za otkaz postupka javne nabavke.

Pouka o pravnom lijeku

Protiv ove odluke može se izjaviti žalba,ugovornom organu najkasnije u roku od deset (10) dana od dana prijema ove odluke.Žalba se izjavljuje Uredu za razmatranje žalbi BiH, putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Dostavljeno:

- Izabranom ponuđaču,
- Odjeljenju za pravne i opšte poslove i ljudske resurse,
- Odjeljenju za finansijsko- računovodstvene poslove
- Odjeljenju za IT
- a/a.


GENERALNI REVIZOR
Dževad Nekić, dipl. oec.